

近代中國史料叢刊第三十輯  
沈雲龍主編

盾鼻隨聞錄

榜園退叟編

文海出版社印行

WT 197/0402

盾鼻隨聞錄序

懿乎鑠哉。我國家仁滿六幕。威薄九閩。懋烈丕猷。焜煌  
典冊。敬讀趙氏翼皇朝武功紀。盛魏氏源聖武記。鼓吹  
旆明。道揚盛美。版泉涿鹿之師。不足尙矣。逆裔張格爾  
煽虜回城。我宣宗成皇帝龔行天罰。命將出師。揚威二  
萬里外。掃穴擒渠。獻俘闕下。嗤彼樓蘭繫頸。邳支懸首。  
矯制詭謀。以倖勝者。陋何如也。噫。夷以窮島荒服。互市  
肇釁。旋因震懾天威。抒誠納款。聖人云。遠人不服。則修  
文德以來之。迄今梯航重譯。琛貝來庭。遐爾萬國。中外  
一家。於虜威矣。且夫星主火燎原。涓流溢海。古聖主所

以消患未萌。而有備無患者。慮至深也。粵匪以邪教惑衆。守土大吏。養癰不治。遂至蔓延十省。荼毒萬計。糜餉老師。上厯宵旰。食毛踐土之倫。靡不志功同仇。滅此朝食。吾友魯齋大令。捧檄榕城。宣力戎幕者。四載奔走萬里。積勞成疾。陳情大帥。乞假養病。郵寄所輯盾鼻隨聞錄一編。受而讀之。蓋仿明人戎車日注之例。而持議正大。敘述詳明。忠義之忱。溢於言表。有非尋常稗史所能及者。異日桀魁授首。大功告成。名公鉅卿。纂修方略。必將採輯見聞。蒐羅遺軼。用以述聖德而頌神功。則是編亦潤色鴻猷之一助爾。

咸豐甲寅仲秋愚弟姚際雲拜序



盾鼻隨聞錄目錄

卷一

粵寇紀略

卷二

楚難紀略

卷三

江禍紀略

卷四

汴災紀略

卷五

據言紀略

卷六

異聞紀略

卷七

各省守城紀略

卷八

獨秀峰題壁

楚南被難記題詞

金陵紀事雜詠

江寧女子絕命詞

盾鼻隨聞錄例言

余需次桂林。奉委隨營。襄辦文案。驅馳五省。因將目擊躬親之事。編輯成帙。賊竄東省後。業徑引疾。抄稟探報。傳聞異詞。概不登入。

江夏周志復楚南被難記一書。餘枕姚憲之粵匪南北滋擾紀略一書。及無名氏所刊皖碧吟金陵圍城記等編。詳述粵匪竄擾情形。合之是錄。破城日期。逆黨名姓。稍有異同。其餘均無岐異外錯之處。

賊中偽諭偽檄。徧處張貼。營中傳抄頗多。猶聲狂吠。語言悖逆。見者髮指。立即燒毀。概不敢編入一字。軍營



各路稟揭探報。每日數十至。信手披集。其詳略繁簡之處。隨筆編成。並無成見。

案牘紛馳。裝點隱諱。勢所不免。有一事而稟報互異。有一稟而前後不符。據事直書。置之存而不論。不敢妄爲臆斷。

有以編述近事爲未便者。余云趙雲松觀察著有皇朝武功紀盛一書。其自叙云。緬甸之役。躬在行間。見聞較切。從歸田後。一一敘述。迄今是嘗風行海內。又川楚曰白蓮教滋事。有戡靖教匪述編一書。河內滑縣天理教滋事。有靖逆記一書。均播之黎聚。輟轉流傳。

未有起而議之者。編亦猶此志云爾。

稗官野史原非正史可比。而足以補史氏之闕。異日膚  
功底定。館閣名公。鋪張駿烈。揚厲鴻謨。則覆瓿故紙。  
聊備芻蕘一得之用。

樗園退叟氏自述



盾鼻隨聞錄卷一

樗園退叟編輯

粵寇紀略

廣西在京都西南七千餘里。土瘠民貧。苗獞雜處。又與  
湖南大小排瑤地。昆連林深箐密。最易藏奸。久爲逋逃  
淵藪。舊有添弟會名目。教首洪德元將洪字分開三八  
廿一。爲口號。入其教者。每歲納銀五兩。歛財聚衆。私立  
名號。蔓延各郡。轉相煽惑。愚民奉之若神。近年督撫多  
以縱庇叛逆。粉飾太平爲事。地方各官。恐以查拏獲咎。  
競相隱諱。洪秀全者。廣東花縣人。四十餘歲。長鬚蜂目。

昆恐混

面潤身肥。略能識字。不知其姓。或云姓鄭。道光二十五年到廣西。投入會教。適洪德元病故。遂冒稱洪姓。代爲教首。在桂林平樂等處。以占卦算命爲名。潛行引誘。復附會天主教。自稱耶蘇之弟。是天父火華第二子。下界治世。編造讚美經咒。稱下元轉運。紅羊劫數將臨。兵火應劫者。魂得升天。受享快樂。與潯州府人馮雲山卽馮漁。韋鎮卽韋昌輝。結爲死黨。馮雲山年三十餘歲。頗通字義。假造妖書。有散劫真言歸元實誥等名目。又倡爲天律十六條款。太平制詔軍書。各處傳習。晨夕跪誦。令富者助銀入教。許其來生獲利百倍。鄉愚被惑。施者雲

集積資數十萬。駸有不軌之志。韋鎮亦三十餘歲。家業富厚。賦性險惡。幼習拳棒。膂力絕人。三人暗相勾結。數年間。聚至二千餘人。分立會首隊首名號。私造偽印。偽劄。約期舉事。經生員胡姓等十餘人聯名赴官出首。桂平縣賈令甯派幹役杜雲。率領兵勇。乘夜圍擊。洪秀全。馮雲山。韋鎮均就縛。搜獲經咒妖書。砲位軍器各物。解送潯州府審辦。是時。粵西巡撫鄭祖琛。年老昏憤。秉性柔懦。最恨地方官查拏逆犯。接賈令稟報。嗔其多事。因係顯官族人。僅免參劾。記過者三。潯州府知願元愷。窺伺意旨。有意開脫。將三人發縣看管。並未審訊。卽令取

保釋放。二十七年八月事也。洪秀全因黨羽已衆。雖經  
釋出。恐復爲他邑查拏。率其醜類。仍回廣東。在佛山鎮  
立寨。搶劫附近村邑。積貲愈多。聚黨益衆。楊秀清者。本  
名楊嗣龍。年亦三十餘歲。湖南衡州府人。其父楊大明  
因傳教聚衆伏法。楊秀清自幼發配廣東。遂應州人。目  
不識丁。權詐百出。青眼黃鬚。形容克惡。與洪秀全一見  
如舊識。拜以爲師。又與廣西武寧縣人蕭朝貴。羅大剛  
石達開。宋日剛。廣東嘉應州人魏得貞。劉勝芳。陳世寶  
潮州人尹興邦。嚴懷庸。湖南衡州府人何星金。胡依光  
吉文元。何震川。福建晉江縣人黃生才。黃宗清。黃文安。

黃貽禎黃懿奎等相糾結。又有林鳳翔汪得勝孫寅三  
俞升發傅毓賢黃開元黃超芳李俊章曾立滄等。均入  
其黨。列爲隊長。楊秀清詭計極多。其父本以傳習邪教  
獲罪。家藏逆書。附會經咒。播散妖言。倡稱太平真主出  
世。因勸洪秀全起事。佛鎮山頂有白龍大王廟。素著靈  
異。香火頗盛。洪秀全於三十年正月初一日。同楊秀清  
馮雲山韋鎮四人。到廟拈籤。得上吉句云。片帆直下走  
萬里。立馬江南望江北。侈爲神助。決計起事。散財糾衆。  
各處裹脅。聚有五六千人。因廣東兵勇彊悍。火器精銳。  
料難得志。密與大股土匪梁亞四凌十八等相約。助以



貲財。令在廣東滋事。牽制官兵。遙爲聲援。自領郡賊。復回廣西。部署頭目。各給僞號。以蕭朝貴爲僞先鋒。馮雲山爲僞軍師。分派賊衆。接隊起行。沿途搶劫。又有土匪范雲齋。楊元貞。糾集二千餘人。附入其夥。八月十三日。二更後。襲破平樂府。冒雨扒城而入。閉門拒守。分路招集附近游匪。有羅星標。何慶祥。王名成。呂功。盛孟德。息李壽暉等。陸續投入。遂派韋鎮。宋日剛。留三千人。據守平樂。揚秀清率賊萬餘。攻撲鬱林。連營七座。每座一千五百人。官民閉城禦守。相持十餘日。有北流縣武舉金廷彪。糾集義勇千餘人。前來救應。賊遂解圍去。九月十

四日攻圍永安州。十七日辰刻失守。由西南兩門進城。恣行殺戮。毒燄猖獗。遠近震動。鄭祖琛素以諱盜爲事。此時連陷數城。傷亡官弁十餘人。不能不入奏。上命在籍雲貴總督林則徐爲欽差大臣。赴粵進勦。林公卧疾已久。聞命卽行。少君編修林汝舟隨行侍疾。乘坐卧輿。星夜兼程。日行百餘里。少君勸以節勞暫息。林公云二萬里永天雪窖。執戟荷戈。未嘗言苦。此時反憚勞乎。口占一聯云。苟利國家生死以。敢因患難避趨之。仍星馳不輟。沿途積受風霜。醫藥俱無。病勢益劇。竟卒於廣寧縣行館。臨歿大呼心斗南者三。莫解所謂。林公翰苑起

家游掌封圻。推誠待物。威望素著。所至能得民心。賊聞其來。俱欲投誠解散。猝然溘逝。未竟其功。惜哉。又有前任提督張必祿。奉旨馳赴廣西軍營。未幾亦病故。張公蜀中名將。三省教匪肆逆。竄逼巴州。張公手舞大刀。單騎入陣。所向披靡。爲昭勇楊侯所識。拔由偏裨擢至大帥。戰功最著。論者謂林公善謀。張公善戰。使竟其用。烏合郡匪。正如撥髮掃籜也。旣歿。上又命前任兩江總督李星沅赴粵接辦。湖北提督向榮老成宿將。屢立戰功。素得兵心。臨陣身先士卒。所向克捷。斃賊甚衆。李星沅情性乖張。黷賄無厭。平日不孚衆望。到粵後。擁兵自衛。

縱賊不擊。日事酣醉。復妄自尊大。苛責儀節。將士離心。遷延日久。蕞爾州城。屢攻未克。每戰失利。傷亡士卒。以千計。賊氛愈熾。畏罪吞金而歿。上特簡大學士賽尚阿。爲欽差大臣。率同都統巴清德。烏蘭泰。帶領火器健銳各營。並調吉林索倫勁旅。馳往堵剿。軍容甚盛。因李星沅遲誤事機。漫無播置。半載以來。賊勢業已蔓延。賽中堂操守廉潔。遇事謹慎。素爲朝端碩望。因久住京秩。未識外省情形。軍務尤不甚諳練。烏都統忠勇過人。果敢善戰。賊衆畏憚。派爲北路翼長。與向軍門意見不合。賊匪大股。佔踞永安州。分出一股七千餘人。退回金田地。

方將擄掠之金帛子女軍器糧餉陸續運入。據爲巢穴。其地周圍四十餘里。萬山環抱。羊腸曲折。僅一仄徑通。出入南路。翼長向軍門定計奪隘。進攻。賽中堂撥派兵勇萬餘。命與巴都紗同往。賊於隘口陡絕處。掘斷山路。編埋竹簽。又在山麓厚築土牆。排列砲臺。竭力抗拒。官兵稍近。卽從牆內施放鎗砲。屢有傷亡。難以得手。向軍門與巴都紗會商。令其督領大隊。緊守隘口。以防逸出。自帶湖北兵六百名。從山後扒入。放火爲號。趁賊衆驚惶之際。兩頭截擊。可以一鼓殲除。彼此約會。向軍門穿草鞋。於月黑夜。越嶺翻山。攀躋而入。沿山放火。喊聲震

地賊在睡夢中倉皇失措爭先逃竄巴都統望見火起恐賊衆被趕逸出乘馬先退萬餘兵勇同時潰散鍋帳砲位糧食輜重盡行拋棄賊衆正在奔逃之際忽見大營官兵紛紛四散反從後喊殺追趕遺失軍資悉爲賊有向軍門從金田趕出賊已遠去失此機會巴都統愧恨而死是時賊首均在永安州城內金田竄出之賊今列四營在東西南北四門外屯紮蕭朝貴石達開馮雲山羅大剛各管一營與城中相犄角賽中堂大營離永安州城一百二十五里禁旅勁兵環列擁護軍威頗壯向軍門距賊五里紮營連獲勝仗將西北兩門賊營攻

破羅大剛石達開均受傷。避入城內。賊勢稍衰。賽中堂  
飛章報捷。保舉大營官弁七十餘人。兵卒賞戴藍領者  
二百四十餘人。湖北標兵不肯出隊。向軍門手及二人  
相持二十餘日。楊秀清因糧米匱乏。先於城內埋伏地  
雷火炮。黑夜全股從東退出。官兵爭先收復地雷轟發  
聲聞數十里。全軍受殲。傷亡參將游擊官弁三十餘人。  
兵丁二千餘人。向軍門將逸出之賊悉力窮追。一夜奔  
馳二百餘里。天雨路滑。鍋帳未至。在山頂草棚暫歇。適  
烏都統帶領四十餘騎飛馳而至。向軍門約會探聽路  
徑。分頭跟追。烏都統不肯下馬。揮軍直進。向軍門扣馬

力阻不允。賊衆屯紮大洞山。極爲險峻。在山僻曲路。四散埋伏。率衆回戰。徑仄地滑。人馬擁擠。不能排隊。鎗炮亦不得施放。衆賊赤脚短刀。前後圍裹。肉薄麀戰。總兵長壽。長清。董光甲。邵鶴齡。暨親隨兵弁數百名。全行陣亡。四鎮均百戰之將。忠勇過人。同時殞命。闔營喪氣。群賊衆勝。經撲省城。巡撫鄒鳴鶴。藩司吳鼎昌。副將馬龍。聞警閉城。登陴守禦。飛咨向軍門。進城協守。向軍門知省城緊要重地。一有疎虞。全省瓦解。僅帶親隨六騎。間道疾馳。已刻入城。午刻賊已布滿城下矣。假用令箭。詭稱援兵。誘開城門。城上人識其詐。用大砲轟擊。賊始退。



走烏都統率兵踵至。僅領馬隊三百餘名。身先士卒。直搗賊堅。力戰逾時。殲斃悍賊無算。衆寡不敵。馬亦中箭。潰圍而出。右脇及眼均受砲傷。熱毒內逼。醫治罔效。四營二日而歿。烏公滿洲世將。勇敢性生。奮不顧身。每戰必截粵人。至今惜之。賽中堂統領大兵。在朔陽縣安營。離省城一百五十里。賊衆塊內攻城。百道俱進。城中僅有鄉勇及各衙門差役。統計不滿二千人。鄒中丞吳右伯終日登城撫慰。賊攻文昌門。幾破。分布雲梯數十架。賊附而登。城上用滾油澆下。著身卽爛。死者百餘人。又砍伐大竹。製造呂公車。高與城齊。數十人立其上。向

城點放鎗砲。城上用長竿縛火炬燒之。賊多墜死無計。可施僅在鼻岩轟放火砲。鉛子飛入城內。將撫署大堂前簷打塌。相持三十一日。城中本乏糧米。賊首大營在文昌門外屯紮。城中每夜縋入出城。在數十里外購買糧食。從北門運入。賊知守備嚴密。乘夜解圍去。仍向永安州度歲。鄒中丞日夜巡城。目不交睫者匝月。省會重地得保無虞。賽中堂誤聽蜚語。連章劾罷。輿論寬之。斯時賊衆已有四五萬人。附近州縣悉遭抄掠。粵西素少貯蓄。洪秀全會集郡匪。商議仍欲竄回廣東。揚秀清原籍湖南。熟悉楚省情形。力勸赴楚。適有郴州土匪李年

通率領三百餘人赴廣西入夥。願爲嚮導。大股賊衆遂於二年三月全數竄出粵境。

退叟曰。粵匪以邪教惑衆。不軌之志。芽蘖已久。官斯土者。惜無先發制人之術。坐失事機。鄭中丞優柔寡斷。終日喃喃誦佛號。身任封疆。昧於除暴安良之策。縱虎出柙。荼毒生靈。無萬計。李星沅以貪酷暴戾之資。驟膺重寄。叱罵鎮將。鞭撻負弁。午後卽沈醉偃臥。不見一人。遂至士卒離心。鄉勇二萬餘人同時散去。粵人至今唾罵。賽中堂老成重望。兵事非其所長。調度失宜。身敗名裂。亦其不幸也夫。

傳聞賽中堂之出師也。朝士有進計者曰：粵西地土  
磽瘠，糧米多取給於湖南。今賊已蔓延，宜將重兵駐  
扎衡州府，控制險要，分派衆將扼守交界地方，毋使  
一賊逸出，勢不能驅數萬烏合之衆，枵腹而爲賊也。  
金魚宰獸指曰：可盡倘突入楚境，長江七千里窟游，  
上下飄忽往來，東南數省無安枕矣。時有粵西人許  
祥光廉使需次在京，亦持是說。并聞大臣中有諄諄  
力勸者。賽中堂惑於旁言，遂至良謀不用，惜哉。



盾鼻隨聞錄卷二

樗園退叟編輯

楚難紀略

咸豐二年三月粵匪竄入湖南先於二月十五日在永安州城內殺牛馬各一稱祭天父洪秀全製造繡龍黃旗一桿偽稱太平天德王封派各賊偽號楊秀清爲東王蕭朝貴爲西王馮雲山爲南王韋鎮爲北王胡依光爲豫王宋日剛爲燕王石達開爲翼王羅大剛爲懿王製造偽印分設丞相軍師指揮旅帥司馬等名色又有監軍揮禦等號將搶掠婦女悉行放出糧食衣服不使

使恐便

攜帶者放火焚燒。二十二日有頭捆紅布騎馬賊五六  
十人出城探路。城中吹號鼓角喧擾竟夜。二十三日辰  
刻有青旗一隊從東門出。二十四日又出紅旗一隊。二  
十五日又出白黃旗二隊。午後續出黑旗一隊。二千五  
百人。詭稱一萬人。均有偽將軍一人。頭戴黃風帽。騎馬  
率領。馬後各有尖角繡旗一桿。復有押隊騎馬賊日十  
餘人。又有另股賊目五六人。各領一小隊。納四五百人。  
先行探路。沿途搶劫糧食。二十七日黎明時。洪秀全帶  
領大股賊匪約二萬餘人。馬隊五六百人。放炮鳴鑼。坐  
轎出城。各門放火燒燬房屋。煙燄蔽天。全夥整隊而去。

納忠約

平樂城內之賊亦盡行退出，併入大股。二月初五日，攻破全州，焚掠二日，向湖南進發。向軍門帶領兵勇四千餘人，由桂林馳至，從後尾追。初十日，賊入湖南境，分作兩股。楊秀清、韋鎮率賊萬餘，徑撲衡州。洪秀全、蕭朝貴率領大股，攻圍永州。其意以爲衡州一破，可以直達長沙，永州一破，可通楚粵往來之徑。一係進取之地，一係退回之路。賊中謀略未始無人。先是楚省聞警，附近諸城均有準備。楊秀清攻圍衡州，離城十里紮一大營，中立紅旗一桿，夜則懸燈，四圍紮營九座，每日派三營賊兵輪流攻打。城上鎗炮齊發，矢石如雨，擲出石砲，韋



鎮受傷。又乘夜緇人放火。焚燬北面賊營三座。燒斃偽將軍劉勝等。城垣堅固。守禦嚴密。相持逾月。洪秀全同羣賊攻撲永州。城中亦悉力拒守。適陰雨連旬。賊營火藥潮濕。鎗砲不能施放。城外濠溝濶四丈許。雉堞亦完。整堅實圍至五十餘日。兩城俱不能克。洪秀全欲退回。廣西楊秀清以湖南魚米之鄉。連年豐稔。可以到處搶掠。特議未決。隨營賊衆因不許攜帶眷口。均欲回粵。遂傳令插旗向南。拔隊退走。此二年五月初四日事也。道州城離永州一百五十餘里。有巨紳何姓。出身素賤。平日爲暴鄉里。無惡不作。居民畏如狼虎。適編修何紹基

特恐持  
訛